



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Dioecesis Paderbornensis Rituali Romano accommodata

Hermann Werner <Paderborn, Bischof>

Nevhsii, 1687


De Sacramento Pœnitentiæ.




urn:nbn:de:hbz:466:1-36005

lavat sordes, & mundat peccata. Tibi igitur præcipio omnis spiritus immun-
de, omne phantasma, omne mendacium, eradicare & effugare ab hac creatura
aquæ salientis in vitam æternam, regenerans eos deo Patri, & Filio, & Spiritui
sancto in nomine ejusdem Domini nostri Jesu Christi, qui venturus est judicare
vivos & mortuos, & sæculum per ignem. **R. Amen.**

Oremus.

Domine sancte, Pater omnipotens, æterne deus, aquarum spiritualium
sanctificator, te suppliciter deprecamur, ut ad hoc ministerium humilita-
tis nostræ respicere digneris, & super has aquas abluendis & purificandis ho-
minibus præparatas, Angelum sanctitatis emittas, quo peccatis vitæ prioris
ablutis, reatuq; deterfo, purum sancto Spiritui habitaculum regenerati effici
mereantur. Per Dominum nostrum Jesum Christum, Filium tuum, qui te-
cum vivit & regnat, in unitate ejusdem Spiritus sancti Deus: Per omnia sæ-
cula sæculorum. **R. Amen.**

Tunc sufflet ter in aquam versus tres partes, secundum hanc figuram  deinde imponit in-
censum in Thuribulo, & fontem in censat. postea infundens de oleo catechum. in fontem
in modum Crucis dicit.




Sanctificetur, & fœcundetur fons iste oleo salutis, renascentibus ex eo in
vitam æternam in nomine  Patris, &  Filij & Spiritus,  sancti.

R. Amen.

Deinde eodem modo infundit de chrismate dicens.

Infusio chris-matis Domini Jesu Christi, & Spiritus sancti Paraclleti, fiat
in nomine sanctæ Trinitatis. **R. Amen.**

Postea accipit ambas ampullas Olei & Chris-matis, & de utroq; simul in modum Crucis in-
fundendo dicit.

Commixtio Chris-matis sanctificationis, & Olei unctionis, & aquæ bap-
tismatis, pariter fiat, in nomine Patris  & Filij  & Spiritus  sancti.

R. Amen.

Tum depositis ampullis, dextrâ manu oleum sanctum & chrisma infusum miscet cum aqua
& spargit per totum fontem. Deinde manum detergit, baptizandos baptizat. Si neminem bap-
tizat, statim manus abluat, ablutio fundatur in Sacrarium.

DE SACRAMENTO CONFIRMATIONIS.

Cum materia, forma, ordo, & ritus hujus Sacramenti Episcopum, veluti Ministrum hujus con-
cernat, hic de his nihil ponitur nisi quod Parochi Confirmationis Sacramentum, ejusq; effe-
ctum, gratiam scilicet majorem ad resistendum Diabolo & tentationibus, suis diligenter explicent,
ut & in statu gratiæ suscipiatur. Curabunt etiã, ut omnia tam Confirmatorum, quam parentum &
patrinorum nomina exactè notentur, quatenus confirmationis testimonia dare valeant; & de cog-
natione spirituali inter confirmatum ejusq; Parentes, & Patrinum contracta cognoscere. Et si
fortè contingat, quosdam inveniri, qui hoc impedimento posito, nihilominus matrimonium con-
trahere vellent, Parochi de super Superiorem loci informare valeant.

Fascia post triduum solvatur & detergatur frons, fasciaq; comburatur.

DE SACRAMENTO POENITENTIAE.

Poenitentia Sacramentum, relapsis post baptismum unicum salutis remedium, à Sacerdote
proprio, vel alio ad id delegato, & ab Ordinario antecedentè approbato, tanto administretur
accuratius, quanto petitur frequentius: ne vel ignorantia Ministri, vel nimia facilitate à quibusvis
casibus absolvendi vilescat, vel nimia hæsitacione & scrupulandi morâ fiat exosum.

Materia

Materia ejus remota sunt peccata, proxima verò actus pœnitentis. Minister solus Sacerdos habens jurisdictionem ordinariam vel delegatam, at in periculo mortis quivis Sacerdos à quibusvis peccatis absolvere potest. Forma vero est. **Ego te absolvo à peccatis tuis In nomine Patris, & Filij, & Spiritus sancti, Amen.** Cætera antecedentia & subsequenta sunt tantum requisita ad solemnitatem, non verò ad necessitatem Sacramenti.

Prudentiam & scientiam hic requisitam assiduis ad Deum precibus & studio continuo Minister sibi acquirat, ut de quovis animi morbo debite judicare, & convenientia media præscribere valeat, ne tanquam imperitus medicus medicinam omnibus unam præscribat, vel ut est vice Dei Judex, in ferendâ sententia aberrer. Peritos itaq; sæpè consulat, & Authores de casibus conscientia tractantes diligenter evolvat. Memineritq; in omnibus arctissimi sigilli secretæ confessionis, ut sub perpetuo silentio accepta custodiat.

Casus summo Pontifici & Ordinario loci reservados, suâq; Ecclesiæ constitutiones sciat, & diligenter observet, sicut & omnem doctrinam hujus Sacramenti, & alia ad ejus administrationem necessaria.

Ordo ministrandi Sacramentum Pœnitentiæ.
Sacerdos ad audiendam confessionem vocatus, promptum facilemq; se præbeat: ac priusquam ad audiendam confessionem accedat, si tempus suppetat, ad hoc ministerium rectè sanctèq; obeundum, divinum auxilium pijs precibus implorabit.

In Ecclesijs, non autem in privatis ædibus confessiones audiat, nisi ex causâ rationabili, quæ cum inciderit, studeat tamen id decenti ac patenti loco præstare.

Habeat in Ecclesia sedem confessionalem, in qua sacras confessiones excipiat: quæ sedes patenti, conspicuo, & apto loco ecclesiæ posita, crate perforatâ inter pœnitentem & Sacerdotem sit instructa.

Superpelliceo & stola violacei coloris utatur, si id tempus vel loci consuetudo ita ferat:

Pœnitens, si opus fuerit, admoneatur, ut qua decet humilitate mentis & habitus accedat, flexis genibus signo crucis se muniat.

Mox (nisi aliter notus fuerit) confessarius inquirat, an sit subditus suæ jurisdictioni, an conjugatus, quando ultimo confessus, an in confessione præcedenti vel aliâ quâdam aliquid scientèr ommissum, quod nondum sit confessus, an priorem pœnitentiam absolverit, conscientiam benè discussit.

Quod si pœnitens aliqua censura, vel casu reservato sit ligatus, à quo ipse non possit absolvere, non absolvat, nisi prius obtentâ facultate à superiore.

Casus in hac Diœcesi Paderbornensi Episcopo reservati sunt sequentes.

1. Crimen incendiarij.
2. Sacrilega calicum & Monstrantiarum ex Ecclesia surreptio.
3. Homicidium & infanticidium tam prolis natæ quam fœtus animati.
4. Incestus in primo gradu & congressus cum Moniali.
5. Sodomia & cum brutis congressio.
6. Defloratio violenta virginum & earundem raptus.
7. Omne explicitum cum Dæmone pactum & grave per veneficium illatum damnum, reliquos de jure summo Pontifici & Episcopis reservados casus ex auctoribus casuum recognoscant.

Si vero confessarius, pro personarum qualitate cognoverit pœnitentem ignorare Christianæ fidei rudimenta, si tempus suppetat, eum breviter instruat de articulis fidei, & alijs ad salutem cognitu necessarijs, & ignorantiam ejus corripiat, illumq; admoneat, ut ea post modum diligentius addiscat.

Tum pœnitens confessionem generalem latina vel vulgari lingua dicat. scil. Confiteor, vel saltem utatur his verbis.

Confiteor Deo omnipotenti, omnibus sanctis & tibi Pater.

Ich bekenne vor Gott dem allmächtigen/ allen lieben Heiligen und euch daß ich ic.

Peccata sua deinde confiteatur; adjuvante, quotiescunq; opus fuerit, Sacerdote, qui confidentem non reprehendet, nisi finita confessione, ut dicetur; neq; interpellabit, nisi opus fuerit aliquid melius intelligere: proinde fiduciam ei præbeat, & humanitèr suggerat, ut omnia peccata sua